

სსიპ “საქართველოს ფიზიკური აღზრდისა და

სპორტის სახელმწიფო სასწავლო  
უნივერსიტეტი“- ს

წარმომადგენლობითი საბჭოს გადაწყვეტილებით

(ოქმი N5 30 ოქტომბერი 2015 წ.)

საქართველოს ფიზიკური აღზრდისა და სპორტის სახელმწიფო სასწავლო  
უნივერსიტეტის შენობა - ნაგებობების სახანძრო უსაფრთხოების ზომების

## ინსტრუქცია

თავი I. სახანძრო უსაფრთხოების საერთო მოთხოვნები

### მუხლი 1. ზოგადი დებულებანი

1. საქართველოს ფიზიკური აღზრდისა და სპორტის სახელმწიფო სასწავლო უნივერსიტეტის შენობა - ნაგებობების (შემდგომში - უნივერსიტეტის შენობანაგებობები, მდებარე ქ. თბილისი, ი. ჭავჭავაძის ქ. N 49) სახანძრო უსაფრთხოების ზომების ინსტრუქცია (შემდგომში - ინსტრუქცია) შემუშავებულია საქართველოს კანონის “სახანძრო უსაფრთხოების შესახებ”, საქართველოს შინაგან საქმეთა მინისტრის 2007 წლის 27 მარტის N 449 ბრძანების “საქართველოში მოქმედი სახანძრო უსაფრთხოების წესების დამტკიცების შესახებ” და სახანძრო უსაფრთხოების სფეროში მოქმედი სხვა ნორმატიული აქტების მოთხოვნების შესაბამისად.

2. ინსტრუქცია ადგენს სახანძრო უსაფრთხოების ზოგად მოთხოვნებს სასწავლო უნივერსიტეტის ტერიტორიაზე განთავსებულ შენობა ნაგებობაში და სავალდებულოა შესასრულებლად უნივერსიტეტის თანამშრომლებისა და სტუდენტებისათვის.

3. ამ ინსტრუქციასთან ერთად აუცილებელია დადგენილი წესით დამტკიცებული სახანძრო უსაფრთხოების სხვა ნორმატიული აქტებით ხელმძღვანელობა.

4. სასწავლო უნივერსიტეტში სახანძრო უსაფრთხოების მოთხოვნების (მათ შორის რომლებიც განსაზღვრულია «საქართველოში მოქმედი სახანძრო უსაფრთხოების წესებით“ და წინამდებარე ინსტრუქციით) დაცვა და სახანძრო უსაფრთხოების ღონისძიებების შესრულება ევალებათ სასწავლო უნივერსიტეტის ადმინისტრაციას და სასწავლო უნივერსიტეტში სახანძრო უსაფრთხოების უზრუნველყოფაზე დადგენილი წესით პასუხისმგებლად დანიშნულ თანამდებობის პირებს.

5. სასწავლო უნივერსიტეტის რექტორს უფლება აქვს თავისი ბრძანებით დანიშნოს სახანძრო უსაფრთხოებაზე პასუხისმგებელი პირები, რომლებმაც დაკავებული თანამდებობის ან შესასრულებელი სამუშაოების ხასიათის მიხედვით უნდა შეასრულონ სახანძრო უსაფრთხოების შესაბამისი წესები ან უზრუნველყონ მათი შესრულება.

6. სახანძრო უსაფრთხოების უზრუნველყოფაზე დადგენილი წესით პასუხისმგებლად დანიშნული პირები ვალდებული არიან დროულად უზრუნველყონ სახანძრო უსაფრთხოების მოთხოვნების შესრულება.

7. პასუხისმგებლობა ინსტრუქციით დადგენილი სახანძრო უსაფრთხოების მოთხოვნების დაცვაზე უშუალოდ სამუშაო ადგილებზე ეკისრებათ სასწავლო უნივერსიტეტის თანამშრომლებს.

8. თანამშრომლები, რომლებსაც ევალებათ სასწავლო უნივერსიტეტში ხალხმრავალი ღონისძიებების ჩატარება, ვალდებული არიან ღონისძიებების დაწყებამდე ყურადღებით დაათვალიერონ სათავსოები და დარწმუნდნენ მათ უსაფრთხოებაში ხანძარსაწინააღმდეგო თვალსაზრისით.

9. სასწავლო უნივერსიტეტში მომუშავე ყველა თანამშრომელი ვალდებულია:  
ა) დაიცვას სახანძრო უსაფრთხოების მოთხოვნები და ხანძარსაწინააღმდეგო რეჟიმი;

ბ) დაიცვას უსაფრთხოების ზომები აირის ხელსაწყოების, საყოფაცხოვრებო ქიმიის საგნების მოხმარებისას, ადვილად აალებადი და წვადი სითხეების, სხვა ხანძარსაშიში ნივთიერებების, მასალების და მოწყობილობების გამოყენებით სამუშაოების შესრულებისას;

გ) იცოდეს ხანძრის დროს ევაკუაციის გეგმა და ცეცხლმაქრების განთავსების ადგილები;

დ) იცოდეს ცეცხლმაქრებით სარგებლობის ხერხები;

ე) არ ჩახერგოს საევაკუაციო გზები და გასასვლელები;

ვ) ხანგრძლივი შესვენების დროს (1 საათზე მეტი) ან სამუშაოს (სწავლების) დამთავრების შემდეგ გამორთოს პერსონალური კომპიუტერი ან სხვა ელექტროხელსაწყოები (მაცივრების და ფაქსის აპარატის გარდა) ჩამრთველი ჩანგლის ელექტროროზეტიდან გამორთვის გზით;

ზ) სამუშაოს დამთავრების შემდეგ სათავსის დაკეტვის წინ ჩაატაროს მათი დათვალიერება, დახუროს ყველა სარკმელი, გამორთოს ყველა ელექტროხელსაწყო და განათება;

თ) არ დაუშვას კიბის უჯრედების, დერეფნების, ჰოლის თვითჩამკეტი კარების ღია მდგომარეობაში დატოვება.

10. თანამშრომლებს ეკრძალებათ:

ა) სათავსებში ადვილადაალებადი, წვადი და ფეთქებადი ნივთიერებების შენახვა;

ბ) თამბაქოს მოწევა სათავსოებში;

გ) სათავსებში ღია ცეცხლის გამოყენება;

დ) არაქარხნული წესით დამზადებული და გაუმართავი ელექტროხელსაწყოებისა და ელექტროინსტრუმენტების გამოყენება;

ე) სათავსის გათბობის მიზნით ღია სპირალის მქონე ელექტროგამათბობლების გამოყენება;

ვ) ქსელში ჩართული ელექტროხელსაწყოების უმეტვალყურეოდ დატოვება.

11. უნივერსიტეტში ხანძარსაწინააღმდეგო მდგომარეობის კონტროლს ახორციელებს სახანძრო უსაფრთხოების უზრუნველყოფაზე დადგენილი წესით პასუხისმგებლად დანიშნული თანამდებობის პირების და სასწავლო უნივერსიტეტის თანამშრომლებისაგან შემდგარი მორიგე ჯგუფი (შემდგომში - მორიგე ჯგუფი), რომელიც თავის საქმიანობას წარმართავს ამ სფეროში დაკისრებული უფლება-მოვალეობის შესაბამისად (დანართი **N 1**).

13. სასწავლო უნივერსიტეტში ხანძრის თავიდან აცილების და ჩაქრობის ღონისძიებებში თანამშრომლებისა და სტუდენტების მოზიდვის მიზნით შესაძლებელია ნებაყოფლობითი სახანძრო დაცვის შექმნა.

## **მუხლი 2. სახანძრო უსაფრთხოების ორგანიზაციული ღონისძიებები**

1. სასწავლო უნივერსიტეტის ყველა აკადემიურ, ადმინისტრაციულ, ტექნოლოგიურ, საინჟინრო, დამხმარე და სასაწყობო სათავსში თვალსაჩინო ადგილზე უნდა იყოს გამოკრული სახანძრო-სამაშველო სამსახურის ტელეფონის ნომრები.
2. უფლებამოსილი პირის ბრძანებით სასწავლო უნივერსიტეტში დადგენილი უნდა იყოს ხანძარსაშიშროების შესაბამისი ხანძარსაწინააღმდეგო რეჟიმი, მათ შორის:
  - ა) განისაზღვროს ხანძრის შემთხვევაში და სამუშაო დღის დამთავრების შემდეგ ელექტრომოწყობილობების გამორთვის წესი;
  - ბ) დადგენილი იქნეს ცეცხლის გამოყენებასთან დაკავშირებული დროებითი და სხვა ხანძარსაშიშროების სამუშაოების ჩატარების წესი;
  - გ) დადგენილი იქნეს სამუშაოს დამთავრების შემდეგ უნივერსიტეტის სათავსების დათვალიერების და დაკეტვის წესი, აგრეთვე ხანძრის აღმოჩენის შემთხვევაში თანამშრომლებისა და სტუდენტების მოქმედებები;
  - დ) დადგენილი იქნეს უნივერსიტეტის შენობის დასუფთავების, ნაგვის შეგროვების, შენახვის და გატანის წესი;
  - ე) დადგენილი იქნეს ხანძარსაწინააღმდეგო ინსტრუქტაჟის ჩატარების (სახანძრო უსაფრთხოების წესების სწავლების) წესი და ჩატარებაზე პასუხისმგებელი პირი.
3. შემუშავებული და სასწავლო უნივერსიტეტის სართულებზე თვალსაჩინო ადგილზე გამოკრული უნდა იყოს ადამიანთა ევაკუაციის გეგმები (დანართი N 2) და ევაკუაციის ინსტრუქცია (დანართი N 3). ამ ინსტრუქციის მიხედვით წელიწადში არანაკლებ ორჯერ უნდა ჩატარდეს პრაქტიკული ვარჯიში თანამშრომლებისა და სტუდენტების მონაწილეობით.

## **მუხლი 3. ხანძარსაწინააღმდეგო ინსტრუქტაჟი (სახანძრო უსაფრთხოების წესების სწავლება)**

1. ხანძარსაწინააღმდეგო ინსტრუქტაჟი ტარდება სასწავლო უნივერსიტეტის თანამშრომლებისა და სტუდენტების მიერ სახანძრო უსაფრთხოების ძირითადი მოთხოვნების, შენობის (სათავსების) და მოწყობილობების ხანძარსაშიშროების, ხანძარსაწინააღმდეგო დაცვის საშუალებების, აგრეთვე ხანძრის გაჩენის შემთხვევაში მათი ამოქმედების წესის შესწავლის მიზნით. მონაცემები ინსტრუქტაჟის გავლის შესახებ შეიტანება შესაბამის ჟურნალში.

2. ხანძარსაწინააღმდეგო ინსტრუქტაჟის ჩატარების ორგანიზებას დადგენილი წესის შესაბამისად უზრუნველყოფს სასწავლო უნივერსიტეტის ადმინისტრაცია.

3. ხანძარსაწინააღმდეგო ინსტრუქტაჟის ჩატარება ითვალისწინებს სტუდენტების და თანამშრომლების გაცნობას:

ა) ტერიტორიის, შენობის და სათავსების, მათ შორის საევაკუაციო გზების, გარე წყალსადენის, ხანძრის შესახებ მაუწყებლობის სისტემების მიმართ დადგენილ მოთხოვნებთან და ადამიანთა ევაკუაციის პროცესის მართვასთან;

ბ) შენობის, სათავსების, მოწყობილობების ექსპლუატაციისა და ხანძარსაშიში სამუშაოების ჩატარებისას სახანძრო უსაფრთხოების უზრუნველყოფ ღონისძიებებთან;

გ) ხანძარის დროს თანამშრომელთა (სტუდენტთა) ვალდებულებებთან და მოქმედებებთან, სახანძრო-სამაშველო სამსახურის გამოძახების წესებთან, ხანძრის ჩაქრობის საშუალებების და სახანძრო ავტომატიკის დანადგარების გამოყენების მოთხოვნებთან;

დ) სახანძრო უსაფრთხოების მოთხოვნათა დარღვევაზე მათ პასუხისმგებლობასთან.

თავი II. სახანძრო უსაფრთხოების მოთხოვნები უნივერსიტეტის ტერიტორიის, შენობა-ნაგებობებისა და სათავსებისათვის

#### **მუხლი 4. სახანძრო უსაფრთხოების მოთხოვნები უნივერსიტეტის ტერიტორიისათვის**

1. უნივერსიტეტის ტერიტორია დროულად უნდა გასუფთავდეს წვადი ნარჩენების, ნაგვის, ჩამოცვენილი ფოთლების, ხმელი ბალახისაგან.

2. შენობა-ნაგებობებს შორის არსებული ხანძარსაწინააღმდეგო დაცილებები არ შეიძლება გამოყენებული იქნეს სხვადასხვა მასალების და დანადგარების დასაწყობად, ასევე ტრანსპორტის სადგომად.

3. შენობა-ნაგებობებთან, წყლის წყაროებთან (სახანძრო ჰიდრანტები) მისასვლელები და გასასვლელები უნდა იყოს მოწესრიგებული და თავისუფალი სახანძრო ტექნიკის მისასვლელად, ხოლო ზამთრის პერიოდში გაწმენდილი თოვლისა და ყინულისაგან.

4. დაუშვებელია კოცონის გაჩაღება, ნარჩენების და ნაგვის დაწვა უნივერსიტეტებს შორის არსებული ხანძარსაწინააღმდეგო დაცვით უზრუნველყოფის ფარგლებში. საჭიროების შემთხვევაში ნარჩენებისა და ტარის დაწვა უნდა განხორციელდეს მოსამსახურე პერსონალის მეთვალყურეობით ამ მიზნებისთვის სპეციალურად გამოყოფილ ადგილებში.

#### **მუხლი 5. სახანძრო უსაფრთხოების მოთხოვნები უნივერსიტეტის ტრანსპორტის სადგომებისათვის**

1. 25 ერთეულზე მეტი რაოდენობის ტრანსპორტზე გათვალისწინებული სადგომებისათვის უნდა იქნეს შემუშავებული სატრანსპორტო საშუალებების განთავსების გეგმა, ხანძრის შემთხვევაში მათი ევაკუაციის რიგითობის და წესის აღწერით;

2. სატრანსპორტო საშუალებების სადგომი ადგილები უნდა იყოს აღჭურვილი საბუქსირე გვარლებით, 10 ერთეულ ტექნიკაზე ერთი გვარლის გათვალისწინებით.

3. ტრანსპორტის სადგომ სათავსებსა და ღია მოედნებზე აკრძალულია:

ა) სატრანსპორტო საშუალებების ნორმაზე მეტი რაოდენობით დაყენება;

ბ) მათი განლაგების გეგმის დარღვევა;

გ) ავტომობილებს შორის მანძილის შემცირება; დ) გამოსასვლელი ჭიშკრებისა და გასასვლელების ჩახერგვა;

ე) სატრანსპორტო საშუალებების გაჩერება საწვავის ავზების ღია ყელით, აგრეთვე საწვავისა და ზეთის გაჟონვის შემთხვევაში;

ვ) სატრანსპორტო საშუალებების საწვავით გამართვა და მისი ჩამოსხმა;

ზ) საწვავის ტარის, საწვავისა და ზეთის შენახვა;

თ) აკუმულატორების დამუხტვა უშუალოდ სატრანსპორტო საშუალებებზე; ი) ძრავების შეთბობა ღია ცეცხლით;

4. ავტომობილების სადგომ სათავსებში დაღვრილი ზეთი და საწვავი დაუყოვნებლივ უნდა გაიწმინდოს ქვიშის ან ნახერხის გამოყენებით.

გამოყენებული ქვიშა, ნახერხი და საწმენდი ჩვრები დაუყოვნებლივ უნდა იქნეს გატანილი და მოთავსებული სადგომი სათავსების გარეთ სპეციალურად მოწყობილ ლითონის ხუფიან ყუთებში.

5. დაუშვებელია ავტომობილების ექსპლუატაცია მის ძრავზე და კარტერზე ბენზინთან და ზეთთან შერეული ჭუჭყის არსებობისას.

**მუხლი 6.** სახანძრო უსაფრთხოების მოთხოვნები უნივერსიტეტში ცეცხლის გამოყენებასთან დაკავშირებული სამუშაოების ჩატარებისას

1. დროებით ადგილებზე ცეცხლის გამოყენებასთან დაკავშირებული ყველა სამუშაოს ჩასატარებლად სახანძრო უსაფრთხოებაზე დადგენილი წესით პასუხისმგებლად დანიშნულმა პირებმა უნდა უზრუნველყონ მომეტებული საშიშროების სამუშაოების უსაფრთხოდ ჩატარება.

**მუხლი 7.** სახანძრო უსაფრთხოების მოთხოვნები უნივერსიტეტის ელექტროდანადგარებისათვის

1. ელექტროდანადგარების და ელექტროქსელების ექსპლუატაციაზე პასუხისმგებელი პირები ვალდებული არიან:

ა) უზრუნველყონ ელექტრომოწყობილობების, დამცავი აპარატურის და ელექტრო-ქსელების პროფილაქტიკური დათვალიერების და გეგმიურ-გამაფრთხილებელი შეკეთების დროული ჩატარება და იმ დარღვევების დროული აღმოფხვრა, რომლებმაც შეიძლება გამოიწვიონ ხანძარი;

ბ) სისტემატურად გააკონტროლონ დაცვის აპარატების მდგომარეობა მოკლე ჩართვების, გადატვირთვების, დიდი გარდამავალი წინაღობებისა და შიდა და ატმოსფერული გადამეტაბვებისაგან;

**მუხლი 8 .** სახანძრო უსაფრთხოების მოთხოვნები უნივერსიტეტის გათბობის და ვენტილაციის სისტემებისათვის

1. გათბობის სეზონის დაწყებამდე საქვაბეები, თბოგენერატორები და კალორიფერული დანადგარები, გათბობის სხვა ხელსაწყოები და სისტემები უნდა იყოს შემოწმებული და შეკეთებული ამ დანადგარების ექსპლუატაციაზე პასუხისმგებელი პირების მიერ. გათბობის გაუმართავი დანადგარებისა და ხელსაწყოების ექსპლუატაცია დაუშვებელია.

2. თბომწარმოებელი დანადგარების ექსპლუატაციისას დაუშვებელია:

ა) სამუშაოდ იმ პირთა დაშვება, რომლებსაც არა აქვთ შესაბამისი კვალიფიკაცია;

ბ) თხევადი საწვავის შენახვა საქვაბისა და თბოგენერატორების სათავსებში (გარდა სამშენებლო პროექტით გათვალისწინებულისა);

გ) სათბობად ადვილალეხადი და წვადი სითხეების გამოყენება, რომლებიც არ არის გათვალისწინებული მოწყობილობის ექსპლუატაციის ტექნიკური პირობებით; დ) თბომწარმოებელი დანადგარების ექსპლუატაცია საწვავმიმწოდებელი სისტემიდან თხევადი საწვავის გაჟონვის (აირის გაპარვის) შემთხვევაში.

2. სახანძრო სიგნალიზაციის ამოქმედების შედეგად სავენტილაციო სისტემის ბლოკირების მოწყობილობები უნდა შემოწმდეს დადგენილ ვადებში და იყოს გამართულ მდგომარეობაში (მათი არსებობის შემთხვევაში).

## **მუხლი 9. ხანძრის შემთხვევაში უნივერსიტეტის თანამშრომლების მოქმედების წესი**

1. ხანძრის გაჩენის შემთხვევაში უფლებამოსილი თანამდებობის პირების მოქმედებები უნდა იყოს მიმართული ადამიანთა უსაფრთხოების უზრუნველყოფასა და მათ დროულ ევაკუაციაზე.

2. უნივერსიტეტში ხანძრის ან წვის ნიშნების (დაკვამლიანების, დამწვრის სუნის, ტემპერატურის აწევის და ა.შ.) აღმოჩენის შემთხვევაში უნივერსიტეტის თითოეული თანამშრომელი (სტუდენტი) ვალდებულია:

ა) შეწყვიტოს სამუშაო (სწავლება), დაუყოვნებლივ შეატყობინოს აღნიშნულის შესახებ სახანძრო-სამაშველო სამსახურს ტელეფონით “112” და მორიგე ჯგუფს (ამასთან აუცილებელია დაასახელოს ობიექტის მისამართი, ხანძრის გაჩენის ადგილი);

ბ) შეძლებისდაგვარად მონაწილეობა მიიღოს ადამიანთა ევაკუაციაში, მატერიალურ ფასეულობათა გადარჩენასა და ხანძრის ჩაქრობაში;

გ) გათიშოს დენის წყაროდან სათავსში არსებული, მასზე განპიროვნებული ელექტროდანადგარები და ხელსაწყოები;

დ) მომხდარის თაობაზე შეატყობინოს სასწავლო უნივერსიტეტის ადმინისტრაციას, ასევე აცნობოს გარშემო მყოფ მოსამსახურეებს;

ე) საშიშროების საერთო განკარგულების მიღებისას დატოვოს სასწავლო უნივერსიტეტი.

ვ) სახანძრო-სამაშველო დანაყოფების მისვლამდე განახორციელონ ხანძრის ჩაქრობის საერთო ხელმძღვანელობა (ობიექტის სპეციფიკური თავისებურებები გათვალისწინებით);



ზ) უზრუნველყონ ხანძრის ჩაქრობაში მონაწილე თანამშრომლების მიერ უსაფრთხოების წესების მოთხოვნების დაცვა; თ) ორგანიზება გაუწიონ სახანძრო-სამაშველო დანაყოფების შეხვედრას, მათთვის დახმარების აღმოჩენას ხანძრის კერასთან უმოკლესი გზების შერჩევაში; ი) მიაწოდონ ინფორმაცია ხანძრის ჩაქრობის ხელმძღვანელს უნივერსიტეტის კონსტრუქციული თავისებურებების, სათავსებში არსებული ნივთიერებების, მასალების ხან- ძარსაში თვისებების შესახებ.

## **მუხლი 11. ხანძრის შემთხვევაში სასწავლო უნივერსიტეტის თანამშრომლების ევაკუაციის პრაქტიკული ვარჯიშების ორგანიზება**

1. ხანძრის შემთხვევაში სასწავლო უნივერსიტეტის თანამშრომლების (სტუდენტების) ევაკუაციის პრაქტიკული ვარჯიშების (შემდგომში - ხანძარსაწინააღმდეგო პრაქტიკული ვარჯიშები) ჩატარების ამოცანებია:

ა) თანამშრომლების (სტუდენტების) მზადყოფნის შემოწმება ევაკუაციასა და ხანძრის ჩაქრობის სამუშაოების ჩასატარებლად;

ბ) ხანძარზე დაზარალებულთათვის პირველადი სამედიცინო დახმარების გაწევის წესებისა და დაცვის ინდივიდუალური საშუალების გამოყენების სწავლება (ამ საშუალებების არსებობის შემთხვევაში);

გ) ხანძრის გაჩენისას შექმნილ ვითარებაში დამოუკიდებელი და სწრაფი ორიენტირების უნარ-ჩვევების გამომუშავება.